



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

Iesu[m] sol obsenratus confitetur. Ar. LIX.

[urn:nbn:de:hbz:466:1-47044](https://nbn-resolving.org/urn:nbn:de:hbz:466:1-47044)

IN PASSIONEM DOMINI.
IESVM SOL OBSCVRATVS CONFIL-
setur. *Articulus LIX.*

333

Crucifixo igitur Domino à sexta hora, quæ nobiscum est à duodecima
usque ad horam nonam, quæ est apud nos tertia post meridiem, factæ sunt
tenebre non naturales, sed miraculosæ, super vniuersam terram. & con-
tra consuetudinem naturalis cursus, obscuratus est sol, cupiens attestari suo
creatori, & quasi compatiens, noluit lumen in passionem eius præbere. Dis-
camus hic quantam nos compassionem ei debemus impendere, quando tan-
tam irrationabilia ei exhibuerunt.

Matth. 27.
Marc. 15.

Compassio-
nem quanti
exhibere
Christo o-
portet.

Hora nona hic incipit, continens in se
Articulos sex.

IESVS DERELICTVM SE CLA-
mauit. *Articulus LX.*

Et circa horam nonam, crescentibus in Christo semper doloribus, & ipse
nullam inueniens consolationem, nec locum quo caput spinosum recl-
clinaret. Cum etiam sensualitas nullam consolationem, aut refrige-
rium acciperet à diuinitate, & humanitate sic in sua naturali infirmitate re-
licta, suspensâq; omni gaudiorum redundancia à superiori rationis portio-
ne in sensualitatem clamauit Iesus ad Patrem voce magna dicens: *Eli, Eli, lama sa-*
baui hoc est: Deus meus, Deus meus, vt quid dereliquisti me. Non est intelligen-
dum quod diuinitas humanitatem deseruerit, vel ab ea separata fuerit. De-
um enim, quem inuocabat, semper secum habebat, quia nunquam desinebat
esse Deus, siue anima coniuncta corpori esset, siue separata. Sed loquitur hic
humanitas, vt suæ pœnæ ostenderet magnitudinem. Ira enim grauiter dolo-
ret, ac si non Dei Filius, sed inimicus esset. Et ideo penitus videbatur dereli-
ctus, nullum iuuamen recipiens ab eo. Multi quippe Martyres, multa & ar-
dua sustinuerunt: omnibus tamen aliquid consolationis, & refrigerium a-
liquod ministrabatur, vt possent tolerare. Et in quibusdam adeo abundabat
diuina consolatio, vt immania tormenta pro nihilo ducerent, & non in pœ-
nis, sed in delicijs esse viderentur. Christum verò Pater cælestis totaliter
dolori subiecerat, vt doleret quantum dolere poterat, non leuius sentiens,
propter hoc, quod Deus erat. Indicauit autem per hunc clamorem, maximâ
sui doloris acerbicatem, & multitudinem. Patiebatur namque exterius in
toto corpore, in omnibus membris ex omni parte sensuum, ex omni genere
tormentorum. Intus verò propter maternam compassionem, quæ omnes
Christi dolores in se transformauerat, & cuncta, quæ filius patiebatur ab ex-
trin in carne, ipsa patiebatur in mente. Quæ compassio erat excedens omnium
Martyrum sustinentiam. Item propter discipulorum lapsum, qui omnes à
fide exciderant, propter Iudæorum item execrationem, & oblationem: pro-
pter etiam sui preciosissimi sanguinis & passionis frustrationem, siue perditio-
nem in tam multis & ingratis quod excedebat omnem dolorē. Propter hæc
omnia Christus ineffabiliter patiebatur. Hæc autem verba Christi prædicta
non fuerunt querulationis, sed orationis verba. Vnde & hic nos erudimur,
in tribulationibus derelicti ad Deum confugere, & omni humano solatio
destitu-

Matth. 27.
Marc. 15.

Psalm. 22.

Verbum 4.
Christus hu-
manam sui
in cruce mô-
strauit dereli-
ctionem in
pœnis.
Martyrum
consolatio
in pœnis va-
de fuerit.

Christus in
quibus patie-
batur pedens
in cruce.

Maria com-
passio erga
Christum quæ
ta fuerit.

Constitutis
in afflictione
& delatio-

RR delitu-